

Иисус Христос төрүүрэ

1 Ол күнцэргэ император Август хүбэни таһаарбыт, дойдуларын үрдүнэн дьон ааксаанын аагыакка диэн 2 Ити Сирия дойдуга, Квириний баһыылыктыыр эрдэгинэ дьон ааксаанын аагар нуруйуу һаңардыы төрүттэммитэ. 3 Барылара барбыттар нуруттара, бэйэлэрэ олорор олокторугар. 4 Иосиф эмиэ Галилея дойду Назарет куоратыттан Вифлеем куоратка, Иудейага барбыт. Гини бэйэтэ Давидтан урдустаак, ол иһин Вифлеем гини төрөөбүт куората этэ 5 Гини Марияны гытта барбыт, ити ылыак дыктара, онтута ыаракан эбит. 6 Вифлеем куоратка Мария төрүүр кэмэ кэлбит, 7 гини Уол Огону оголоммут, маңнайгы, онтутун хүөһүлэр аһыыр һылаакыларыгар билээбит. Ыалдыттар токтуур дыиэлэригэр гинилэр конуоктарын кос дыиэ булуллубатага. 8 Хүөһүлэр от аһыы һылдыр онколоругар постуктар баар этилэрэ, гинилэр үөрдэрин түүн кэтии һылдыбыттар. 9 Эмискэ олор иннилэригэр Таңара Ангела көстүбүт. Таңара һырдыга гинилэргэ тыкпыт, постуктар улаканнык куттаммыттар. 10 Таңара Ангела ологго диэбит: «Куттаныман, мин эһиэкэ, бары дьонцо, олус үөрүүлээк нурагы эгэллим! 11 Бүгүн Давид куоратыгар, эһигини Быһааччы, Христос Таңара төрөөтө! 12 Маннык бэлиэннэн эһиги һаһыл Огону булуоккут: һылаакы иһигэр билэллэн бараан һытарың». 13 Онно турдактарына, Ангел аттыгар эмискэ каллаан элбэк күүһэ комуллан кэлбит, гинилэр Таңарага һаңара турбуттар: 14 «Туругурдун Тойон Таңарабыш! Гини һаныыр киһилэригэр һир үрдүнэн эйэлээк буоллун!» 15 Ангеллар каллааңца төннүбүттэрин кэннэ, постууктар хүбэлэспиттэр: «Тойон Таңарабыт кэпсээбитин, Вифлеемца туок буолбутун билээри көрө барыагың». 16 Постууктар барыак һирдэригэр диэк иэдэйбиттэр. Кэлэннэр Марияны гытта Иосифы онуга хүөһүлэр аһыыр һылаакылары иһигэр билэллибит онугу булбуттар. 17 Огону көрөөт, постууктар Ангел гинилэргэ туогу һаңарбытын кэпсээбиттэр. 18 Постууктар өстөрө бары дьону одуургаптыт. 19 Мария ирэ барытын өйүгэр катаан бараан,

hүрэгигэр агай тута hылдыбыт. 20 Постууктар дьиэлэригэр
төннүбүттэр, көрбүттэрин, истибиттэрин иһин Таңараны
алгаабыттар; барыта Ангел һаңарбытын көрдүк этэ.